

INUIT ATAQATIGIIT

INATSISARTUNI



UPA2023/54
Maajip 3-at 2023
Eqaluk Høegh

**Kalaallit Nunaanni meeqqat pillugit inatsisip Kalaallit Nunaannut
atuutilersinnissaanut peqqussutissatut missingiummut aamma
meeqqat pilersorneqarnerat il. il. pillugu inatsisip Kalaallit Nunaannut
atuutilersinnissaanut peqqussutissatut missingiummut
Namminersorlutik Oqartussat akuersinissaat pillugu Inatsisartut
aalajangiiffigisassaattut siunnersuut.**

(Meeqyanut, Inuuusuttunut, Ilaqutariinnut Peqqissutsimullu Naalakkersuisoq)

Oqaaseqaat:

Naalakkersuisut matumuuna aalajangiiffigisassatut siunnersummiik inatsisartunut saqqummiinerannut – Inuit Ataqatigiinniit qutsavigaavut.

Naluneqannngitsutut Inatsisartut 2022-mi ukiakkut ataatsimiinneranni aalajangiiffigisassatut siunnersuut pkt. 128 – maanna sammisatsinnut assingulluinnartoq – partiinit tamarmiusunit akuersissutigineqarpoq.

Aalajangiineq pereersoq kingorna paasinarsivoq, nalimmassagassanik assigiingitsunik siumuisoqarsimasoq, taamaammallu maanna nutaamik siunnersuut inatsisartunut suliassanngorlugu saqqummiuteqqinnejarnissaa pisariaqalersimalluni.

Naak aallaqqaataaniit siunnersuut nutaamik sammeqqittussanngoraluarlutigu – tunngaviusumik siunnersuutip ataatsimut isigalugu imarisaa siunertaalu pitsanngorsaataasussallu eqqarsaatigalugit ilanngussani nassuiarneqartutut suli taakkuupput: ataataanermut anaanaqataanissamullu nalunaarsueriaaseq – pineqartullu katisimappata katisimanngikkaluarpataluunniit – tamakku apeqqutaatikkunnaarlugit – meerarli pisinnaatitaaffigilluinnagaa – tassalu angajoqqaaqarnissani – maanna pisariinnerusumik, eqaannerusumik – minnerunngitsumillu ullutsinnut pissutsinullu atulikkatsinnut naleqqunnerusumik – inatsisitigut aqqutissiuunniarneqarpoq – tamannalu aamma angajoqqaanngorlaanuinnaanngitsoq – kisiannili aamma politiini kiisalu eqqartuussivinni – taama suleriaatsinik nutarteriniarnerup kingunerisaanik – isumalluutit allanut atorneqarsinnaalissapput – soorlu suliassanut pingaarutilinnut allanut piffissaqarnerulernikkut.

INUIT ATAQATIGIIT

INATSISARTUNI



Siunnersuutip ilaatigut aamma allanik pingaarutilinnik imaqarpoq: meeqqanut akiliutit kiisalu meeqqat pilersorneqarnerinuttaaq tunngasut. Ilanngussami 1-mi nassuiardeqarpoq meeqqanut akiliutit aalajangersarneqartassasut angajoqqaat aningaasaqarnikkut atugaat apeqqutaatinneqaratik - meeqqamullu pisariaqartitaanullu pitsaanerpaaq pingarnerpaajutinnejassalluni.

Siunnersuutip – ukioq kingulleq assingusumik sammineqareersoq – manna nutaamik sammeqqinneqarnissaa matumani aamma pineqarmat – maannamut allanguutaasut pillugit Inuit ataqtigiiiniit aamma oqaaseqarfigilaarusuppagut.

Danskit malittarisassaanni peqqussutigineqartussatut kissaatigineqartuni, timillu ipiutaasaartaanik cellitaanillu passussineq pillugu EU-p inatsisaani naapertuuttoqannginneranik tamanna patsiseqartoq naalakkersuisup oqaaseqaataani oqaatigaa. Naapertuutinnginnerit taakku annerusumik itinerusumilluunniit nassuiardeqanngillat.

Taamaattorli – kingullermik ukiaq oqallisigineqarneraniit maannamut allanguutaasut pillugit – ilanngussat atuarnerisigut paasinarsivoq Meeqqat pillugit inatsit, atit pillugit inatsit inatsisillu assigiinngitsut allat pillugit inatsisip allangortinneqarnera pillugu inatsit nr. 227, 15. februar 2022-meersoq matumani ilaatigut suliassanngorteqqittariaqalernernut patsisaqataasoq – tassa pineqartoq suli Danmarkimi atuutilersinneqarsimannngimmat, taamaammallu Kalaallit Nunaanni Kunngip peqqussutaatigut atortuulersinneqarnissaat suli naapertuutigani.

Tassani naatsumik oqaatigalugu naartulersitsinerup peqqinnissaqarfimmit isumagineqarsimannngitsut iluini periarfissarititaasut assigiinngitsut matumani pineqarput – tassalu matumani pineqarpiarluni "Angerlarsimaffimmnaartulersitsineq"-mik taaneqartartoq.

Tamatuttaaq aamma CPR pillugu inatsit "suaassutsimik allanguisinnaanermut" periarfissiisoq (suaassutsimik allanguisumik pilattartinngikkaluarluni, suaassutsimik allanguineq) maannakkut Kalaallit Nunaannut atortuulersinneqarniarunnaartoq ilanngussani atuarneqarsinnaavoq.

Allatut oqaatigalugu angajoqqaamut pineqartumut inunnguuseralugu suaassusaanut atasumik pisinnaatitaaffiit aamma pisussaaffiit, assersuutigalugu erninermut atatillugu sulinngiffeqartarneq pineqartillugu, atuukkunnaassasut atuarneqarsinnaavoq.

INUIT ATAQATIGIIT

INATSISARTUNI



Tamanna pillugu Naalakkersuisut qanormita isumaqarpat? Tassami nalunngisatsitut nunatsinni suaassutsimik pilattartinnigikkaluarluni suaassutsimik allannguisinnaaneq inatsisitigut periarfissaareerpoq.

Taamaakkamilu Naalakkersuisut apererusunnarput qanorpiaq taama allannguiinarneq paasisariaqarpa? Nunatsinni CPR aqqutigalugu suaassutsimik pilatsissimannngikkaluarluni allannguisinnaaneq periarfissaareersoq – piummat – ima paasisariaqarpat inatsisitigut suaassutsimik allannguisut allatuulli pisinnaatitaaffeqarnerat atuutiinnassasoq – soorlu erninermut sulinngiffeqartarnermut tunngatillugu periarfissat atuutiinnarneqassasut? Imaassinnaavoq arajutsisaqarsimasugut taassumunnga tunngatillugu – tassa quppernerpaaluit minnerunngitsumillu paragrafferpassuit atuarnerini – taassumunnga tunngatillugu annerusumik nassuaanertalimmik naammattuugaqannginnatta. Tamanna neriuuppana Naalakkersuisut ersarissumik akisinnaajumaaraat.

Taakku saniatigut – Inuit Ataqatigiininngaanniit aamma maluginiarparput peqqussutit allannguutillu pillugit tusarniaanerit – matumanilu tusarniaanermi akissuteqaatit – ilanngussami nr 5-mi – atuarneqarsinnaanngimmata. Tamanna soorunami uggornartuaannarpoq – pingaaruteqarluinnartuuusutut isigigatsigu – susassaqartut qanimat allannguiinarnermi eqquaanerpaasussat – qanoq allannguiinarnermut tunngatillugu inissisimanerat soorunami inatsisiliortutut paasisimasariaqaratsigu.

Aalajangiiffigisassatut siunnersuutip pisortanut aningaasaqarnikkut allaffissornikkullu sunniutissat eqqarsaatigalugit allassimasoqarpoq siunnersuutip peqqinnissaqarfimmi sulisut, pingartumik ernisussiortut eqqarsaatigalugit taakkununnga malittarisassat nutaat eqqunniarneqartut. Taassumunngalu tunngatillugu ernisussiortut kattuffiat tusarniaavagineqarsimanersoq – erseqqissumik allaqqanngilaq.

Taama oqaaseqarluta – tunngavilersuutigisagullu innersuussutigalugit – siunnersuut sukumiinerusumik ataatsimiitsitaliami susassaqartumi suliasanngortinneqarnissaa inassutigaarput.